

- wie bistû hiute alsô fruo?
 'herre, dâ twinget mich derzuo
 der jâmer iuwerr siecheit.'
 'gemahela, daz ist dir leit:
 5 daz erzeigest dû an mir wol,
 als ez dir got vergelten sol.
 nune mac es dehein rât sin.'
 'entriuwen, lieber herre min,
 iuwer wirt vil guot rât.
 10 sit ez alsus umbe iuch stât,
 daz man iu gehelfen mac,
 ichn gesûme iuch niemer tac.
 herre, ir hânt uns doch gesaget,
 ob ir hetent eine maget,
 15 diu gerne den tût durch iuch lite,
 dâ soltent ir genesen mite.
 diu wil ich, weiz got, selbe sin:
 iwer leben ist nützer dan daz min.'
 Dô genâdete ir der herre
 20 des willen harte verre,
 unt ervolleten im diu ougen
 von jâmer alsô tongen.
 er sprach 'gemahela, ja ist der tût
 jedoch niht ein senftiu nôt,
 25 als dû dir lihte hâst gelâht.
 dû hâst mich des wol innen brâht:
 mûhtestû, dû hulfest mir.
 des gnetiget mich wol von dir.
 ich erkenne dinen sûezen muot;
 30 diu wille ist reine unde guot:
 ich ensol ouch mê von dir gern.
 dû maht mich des niht wol gewern,
 daz dû dâ gesprochen hâst.
 die triuwe, die dû an mir begâst,
 35 die sol dir vergelten got.
 diz war der lantliute spot,
 swaz ich für dise stunde
 mich arzenen underwunde,
 unt mich doch niht vervienge,
 40 wan als ez doch ergienge.
 gemahela, dû tuost als diu kint,
 diu dâ gâhes muotes sint:
 swaz den kumt in den muot,
 ez sî übel oder guot,
 45 dar zuo ist in allez gâch,
- unt geriwet si sêre dar nâch.
 gemahela, alsô tuost ouch dû.
 der rede ist dir ze muote nû:
 der die von dir nemen wolte,
 50 sô manz danne enden solte,
 sô geriuwez dich vil lihte doch.'
 unt daz si sich ein teil noch
 baz bedahte, des bat er. [vater,
 er sprach 'diu muoter unt din
 55 die enmugen din niht wol enbern.
 ichn sol ouch niht ir leides gern,
 die mir ie gnâde fâten.
 swaz si dir beide râten,
 liebiu gemahela, daz tuo.'
 60 hie mite lachete er dar zuo,
 wan er lützel sich versach,
 daz doch sider dô geschach.
 Sus sprach er zuo der guoter.
 der vater unt diu muoter
 65 sprâchen 'lieber herre,
 ir hânt uns vil verre
 geliebet unde geeret:
 daz enwar niht wol bekêret,
 wir engeltenz iu mit guote.
 70 unser tohter ist ze muote,
 daz si den tût durch iuch dol:
 des gunne wir ir harte wol.
 ez ist hiute der dritte tac,
 daz si uns allez ane lac,
 75 daz wir ir sin gunden:
 nu hât siz an uns funden.
 nu lâz iuch got mit ir genesen:
 wir wellen ir durch iuch entwesen.'
 Dô im sin gemahela dô bôt
 80 für sinen siechtuom ir tût
 unde man ir ernst ersach,
 dô wart dô michel ungemach
 unt jâmerlich gebârde.
 vil mislichiu beswärde
 85 huop sich dô under in,
 zwischen dem herren unde in drin.
 ir vater unde ir muoter die
 erhuoben michel weinen hie:
 des weinens tet in michel nôt
 90 umb ir vil lieben kundes tût.

39f. es dient doch zu nichts; es kommt so, wie es auch ohne dieses Heilmittel gekommen wäre. — 48 du bist entschlossen dazu.